

中國地方志集成

中國地方志集成

中國地方志集成
總編 曹幸君
副編 曹幸君

中國地方志集成

安徽府縣志輯 ⑥2

嘉慶東流縣志

嘉慶太平縣志



江蘇古籍出版社 ● 上海書店 ● 巴蜀書社

責任編輯 薛飛
封面設計 范一辛
美術編輯 姜嵩

中國地方志集成

安徽府縣志輯⑥2

出版發行 江蘇古籍出版社

社址 南京市中央路一八五號

發行部電話：〇二五—二二二二—二四六一

郵編：二一〇〇〇九

印刷 上海市印刷七廠

定價 二四四元

1998年4月第1版第1次印刷

ISBN 7—80643—023—7/K·23

叙

志即史也邑志一邑之史也外
此有郡志有省通志有一統
志皆原於史而權輿於邑志
者也故一時之書萬世之掌故
所徵而信焉一邑之書天下

之文獻所稽而致焉夫以一邑
一時之事而有闕於天下萬世
肩斯任者可不慎與太平之
有志肇於前明正德庚辰
踵脩於萬曆庚辰入
國朝康熙乙巳一備甲子再脩至

乾隆乙亥而三矣由乙亥至今
閱五十餘年

皇上御極之八年癸亥歲郡侯魯
子山先生以名進士來守是邦
政通人和百廢具舉既乃倡
脩郡志各邑志書次第脩輯

邑紳士諸余請主甘事嗟
乎脩志豈易言哉昔袁太史
子才脩江寧志嘗曰治江寧
易志江寧難夫以袁子之才
而不輕言脩志况謬陋如余加
以簿書鞅掌何敢謬膺斯任

再三辭不獲乃於公事之餘
取舊志間為叅攷有訛謬者
取而正之甘間三赴闡差僕不
遑稽核則孔曾獲陸嘯岩兩學
師任之採訪則邑之諸紳士司
之而余為間出已意互相嘯訂

歷三年而志告成雖然此一邑
之書非天下之書也一時之書非
萬世之書也邑建自唐天寶而
有明正德以前之志不傳於黃
山麻水之勝千古如新也萬歷
以後至

國朝康熙乙巳而後有志於前以
先達如周恭節崔筆山諸人甘氣
節聞望未嘗湮沒而不彰也宇
宙之真跡久而不磨天地之正氣
遠而彌光觀乎此者可以興矣
然則吾所望於邑之人士者惟

能立身揚名追美於周崔諸
先輩則德業聞望自堪占黃
山麻水並傳不朽行見光昭邑
乘而郡邑省通志一統志晉於
是取信焉即採之輜軒登諸
國史不難矣區區一時之志

叙

嘉慶乙丑夏太守魯子山先生檄行六屬重脩郡志時太邑諸生即以並脩邑志請縣學會議定謀故余於各鄉耆讀法之暇始與諸紳耆輩留意經畫是年冬余適以俸

滿有皖江之役迨奉調歸來已見四鄉雲集以懿節各條合為一書紛々具報余既嘉太邑之士勇於急公又以慶一時善人之多也雖然表揚闕乎風化是固不可不慎余敬按雍正年間

勅脩一統志奉

上諭志書與史傳相表裏其登載一代人物較之山川風土尤為緊要必詳細確查使偉節懿行愈久彌光乃稱不朽盛事等諭太雖一邑激勸胥同 舊典煌々當斯任者宜何

如悚惕而詳慎與且吾輩之仕於太為時甚暫方今太邑廣袤不下二百餘里同時並生之人不必盡識其臧否况求之數十年前乎邑之老成謙謹之士議從詳請旌表之例呈請於儒學搃核於縣公

而公好惡於國人廣聞揚於幽隱
必慎必公無遺無濫固邑諸生事
也余固賴諸生之慎於採訪俾異
日垂為信史也已已五月歲事在
即為紀其重脩邑志之始末如此
至於仙源舊壤名賢古蹟輝耀棗

太平縣志

卷首

孔序

三

梨已疊見於前叙中用不復贅
嘉慶己巳五月旬曲孔傳薪撰



萬歷庚辰志序

邑志告竣士民不鄙余一言余惟叙事具在志且有鄉大夫之章
弁之矣余復何言雖然亦各言其志耳已方志之始事也二三弟
子員難之重曠典也余謂志者志也仲尼志在春秋即知我罪我
且不辭而何有于一邑之志二三子唯唯既而諸耆宿以志請者
僉曰志欲詳欲文余懼然曰噫志乎志矣今制詔天下有司屢申
責實之令不穀六載山城安所資以報上惟是惘惘一念矢諸天
日藉令喜誇而忌直競麗而掩真將聲不中窾謂信後何是故總
總焉與二三子且莫卒業唯求自信以信天下後世患不核不患
不工恥不直不恥不文俾後之君子按牘而嘆曰取二三策之僅
存爾矣斯余志也嗟嗟今昔代變江河雲霧氣化之淳樸文物之

太平縣志

卷首

舊序

一

盈細法典之疏密類皆月異而歲不同後之觀今不猶今之觀昔
哉余之不能詳且文也以有後之君子在也萬歷庚辰莫春朔日
賜進士第文林郎知太平縣事清漳張廷榜登材甫拜手書

萬歷庚辰志序

高皇帝定鼎金陵首徵發佐軍興寧國若古豐沛太邑麗焉帝澤周渥詔復民田先後凡六下民生二百餘年涵濡聖化休養生息即康衢擊壤無以過茲僊源也邑故有正德志維時獻才僅僅荒陋母或已寥寥六十年來諸凡廢置沿革不可勝原迺時未議久任令長迭更視邑猶蓬蘆也即刀筆僅備尚輻輳未遑而逮及於志乎今上建元之二年清漳張侯以賢良來令吾邑豈弟嚙哺割帶如無埃操觚已占其良史才矣適郡纂乘徵採故實侯方露處視事欲載筆而籍之暇乎姑應以一二侯猶嚙嚙若也茲治暨六越歲斯夕振刷不遺餘力百凡積廢一起而紀綱之即四境與堞羣黎幽隱咸若熟途不舉趾而夷險在肩疑閱矣不佞于役歸

太平縣志

卷首

舊序

二

省因與鄉薦紳齋宿以志請侯謂志吾志也時至而成吾志吾事也抑又何辭迺謀諸學博士二三弟子員據舊乘之遺做郡乘之例塞漏剔劇核實纂紀仲春首事踰月而告成侯介紹而屬余序余不敏何敢承作而嘆曰壯哉舉也其政理之準乎百年曠典成之一旦諸境內務按籍可睹蓋匪直為嘉惠一時計而所忠告來哲者亦既多矣昔楚子文以舊政告新尹夫子謂其忠今侯勤理六載徵召一朝侯旦夕行矣侯不獨以言告而猶以書告侯之用心宜何如者且也舊志成於正德庚辰計今萬歷庚辰復一周焉天時人事若契券然噫亦奇矣哉是役也摠之自侯項生陞陳生天德左右之協於理則錄否則遺信於心則書否則闕其攷覈也精其叙例也當上有尊而下有徵蓋信史也統之十卷為圖六為

紀一為表二為志八為列傳七襍紀一附焉余邑人也以不獲卒業為快猶幸親厥盛借為叙其本末且因侯以托名也記曰蠅附驥而千里不佞有味乎其言之矣萬歷八年二月之吉賜進士第戶部山東清吏司主事邑人陳宜頊首拜序

太平縣志

卷首

舊序

三

康熙乙巳志序

今夫名勝之顯隱風尚之登沉與夫廟廊彛鼎或揚光掩懿巖穴
琬琰或匿景流聲他若此類昭宣闡汶者豈不以時哉時乎必見
天地不能秘其慶雲器車時乎弗晦鬼神急欲發其金匱石室蓋
有其氣機運會焉是道也大之於天下國家其於艱邑亦然余因
有感於太邑之地之時也余蒞治四年於茲初見境內黃山奇峰
聳嶽泰逼天漢相傳軒轅與浮邱翁修煉處焉其間神仙之窟宅
靈異所栖憑不知凡幾近遠咸以為斯地稱余謂未也詩曰維嶽
降神生甫及申傳曰深山大澤是產龍蛇然則磅礴鬱積差戾蜿
蜒非奇人奇文不足當也區區僊靈云乎哉惟是南畝之噢咻方
亟北轍之考課類仍未遑與都人士下西園之雅集講東觀之鉅

太平縣志

卷首

舊序

六

麗也然此心此志幾欲攬絕壑之雲霞公之赤縣灑川源之芳液
布爾方州矣今年春適報績之期凡邑之風俗有書農桑有書爰
追典除選汰建修損益亦莫不有書以上政府此令職也而邑薦
紳若子衿輩見之則進長吏之庭而告曰君侯之勤劬一至此哉
是非一邑之書而天下之書也千百載之書而非一日之書也不
願敝邑嘗有志矣讀君侯之書縣花大燦符竹一新足令搜掌故
者怦然殘缺之慚而觀風誥者不勝捫掖之幸也當天子勵精圖
治日詔天下賢良致隆三五採風討典正在此時吏治之精也文
事飭之非侯也孰與謀不朽者遂以修志請於是舉邑中之嫻雅
淹博具良史才者家蒐秘寶人握靈蛇不難追金琢玉網羅鴻冊
余不佞簿牘之閒亦詳加商確增刪以期至當書成羣然巨觀通

翻之約考十三條析有若禹貢周禮不啻職方應汝南之風俗劉

邯鄲之人物郭宏農山海之經左記室三都之賦典林博麗爾雅
與特片鬱全錦罔或不備嗟乎史公浮江渡淮遍歷山川始成史
記諸君不出戶櫺三十六峰具供几案出其韞石含淵以蒸虎變
豹蔚言視古人不又多乎哉雖然志者言乎志也曠昔名賢輩出
碩德挺生業已焜煌國典馨香廟祀高山景止能不遐心而余不
佞與覽桐鄉流韻竊亦欣慕芳軌焉則是書也於以追踪前禩式
型來葉又不徒為旦夕之昭宣資方區之考訂云爾雖謂天地摛
其華鬼神扶其蘊於茲時焉無不可也或者曰志所以傳也乃者
小徼必收寸瑜不舍將母溢吾聞春秋之旨善善長三代而下唯
恐不好名茲見邑之中津律焉皆有其家得錄於志為榮之心榮

太平縣志

卷首

舊序

七

於錄則不榮於不錄矣錄者榮而不錄者亦足以勸起一方而從
事必吾錄焉則豈非盡美者乎且將博覽型素以廣良書是余之
志也夫是余之志也夫

皇清康熙歲在乙巳蒲月之吉

文林郎江南寧國府太平縣知縣陳恭聖璽父撰

Table with multiple empty columns and rows, likely a placeholder for a list or index.

康熙甲子志序

人生幸逢

盛世躬膺庸錄得啣一

命而為

天子吏奚論其地夫地之於天也有君臣之義焉風雨霜霽之所及必及之日月薰浴之所際必際之而臣之於君獲處噓流稟化之中視一已之外皆他人事豈臣工大小果判也與故地無陸賁或百里或不百里又或百里而倍之其間山川蔚與人物森與井疆郵而貢賦均與戶口藪而習尚敦與凡此前必有所始後必有所窮苟莅茲土逆旅忽之駒隙過之爵者任其蕪蕪森者任其凋凋越其野而布藁而集者皆任其靡靡而無所記異是天予人以清

太平縣志

卷首

舊序

八

淑扶輿之氣而人必棄之而自入於坎陷澗沍之深而扇之閉之此所謂天祿辟邪徒眠蓐昔其何裨於盛明之世之萬一哉况今聖天子在上混一疆宇車書所至靡民不臣靡土不王而徭賦所在情酌身準唯恐絲毫之累以致有傷肌膚之効故威感之至將股趨脰鳴之屬各安其露吟風翔之常而樂且忘矣仍復選賢進能修纂信史幾閱日而成卷幾閱月而成書因命各省州郡概修志載以垂激勸其與民休息與民更始之意欲潛消其隱隱而新其耳目如此其於民抑何渥與不佞福來僊源甫數月適觀鉅典兼承憲頒備知除草里役為九圖無窮之利立石永久織悉自勸因併次其館舍謀之多士分卷受冊自山川以及里畝忠孝以及文學懿行以洎節義物產以訖方技搜往闕今摺摭成帙積兩

告

月而事竣其於垂戒勸懲之義當耶否耶摠之邑有黃山高千尺而亘于南其紫氣翁濛通朝夕故發為忠孝與文學者則焜煌典冊而家有餘師即秀閣牧豎靡不回心向道今禍不惜微喘與多士共新志事將青雲之士與景慶爭祥史曰鄒魯文學天性也不佞將目盼而身受之豈徒輸將効順稱化民已哉

康熙甲子歲春和月吉日文林郎江南寧國府太平縣知縣今陞壽林州知州三韓賈有福撰

太平縣志

卷首

舊序

九

乾隆乙亥志序

乙亥春余既莅定邑半載太之人士以新邑志示余且言余於茲書為嚆矢欲得一言弁其首余繙閱訖慨然者久之憶壬申之春奉 憲檄脩郡邑志都人士聞之造而請曰太固彈丸邑為天子職方所必紀邑志脩自賈公憶歲在康熙甲子距今幾八十年載中間殘缺失次與夫遺而未載者不勝縷指方今聲教所訖輅軒所採梯航之鄉勒有成書豈我邑獨安簡陋余曰然仙源舊為名區梓邱容成之遺跡傳自上古雖難深考而近代呂來人文蔚興忠孝節義踵相接若家至而戶喻者此其須紀載甚急余將以謀諸學博魏先生而定之多士曰唯唯雖然此亦吾師責也吾師學粹而志潔方將走天下求之矧幸蒞吾庠於是商纂輯副副

太平縣志

卷首

舊序

十

費造學以請先生固辭造 太守宋公下縣因稟命焉議甫定余以為為人受過將入親遂不暇顧而不圖今之觀厥成且不遠千里懷我好音也夫太邑予承乏五載其風土民物燎若掌上羅紋今讀是編恍若重歷其境與太士相晤對與太民相慰勞故樂為之序以志余雖僕僕四方魂夢未嘗不在黃嶽麻陂間也原任太平縣知縣彭居仁撰

乾隆乙亥志序

予之宰太平也志就棄梨矣館局為請序言予思是志首其舉者前之彭令翰其貴者邑之神士勸其事者孝廉周桂林等至揚徽闡燬登實開疑刊蕪削穢以準乎義類之體要者一出於學翰等亭魏先生而予適際告成之會曾不得稍與微力其何序之政言既念我 國家右文重道既 命史臣纂緝一統志而職方所載省郡州縣例得因其舊而修補之其鼓吹休明正人心以厚風俗至深遠也予小臣幸池斯土而無一言昭茲盛典其何以仰體 聖朝勸化致治之雅意爰染墨而摘詞曰志之設也非特為博覽

太平縣志

卷首

舊序

十一

者資有風勵之道焉蓋制器者立其模範鑄人者樹之觀型列嘉言懿行而筆之書是示以的也然或誣焉而失其真或雜焉而非其當則模不模而範不範欲相觀焉而型非其型於以獎風勵俗斯為難耳今仙源雖處僻陬而黃山勝甲江左鬱秀所鍾凡理學名臣孝子悌弟義夫烈婦高蹈隱逸之輩雲霞蔚起既代不乏人而司是事者復無微不搜有載悉真則芳型在前步武非遠考而鏡之見乎某功某績某先宦之所樹立也某圖某里某賢者之所托跡也某水某邱某高人逸士之所遨遊也某表某坊某忠孝節烈之所藉以不朽也某詞某章某文人學士之所感慨寄懷而為世道人心計也有不油然而興勃然以起者耶夫賢者或觀感數千載之上或閱風數千里而遙况相摩於都邑之中黨族姻戚之

近者知其必蒸蒸向往以應

聖朝休明之化而不負作者之深心也矣嗚乎是予之望也夫是予之望也天原任太平縣知縣劉大河撰

太平縣志

卷首

舊序

十一

乾隆乙亥志序

周禮外史掌四方之志凡星楚災祥山川城郭食貨風謠釐然具列後世郡邑之有志大都做此而一邑之內欲使規模備舉皆鼓舞振興以上應

國家景運之休明登之版冊照耀千古非徒然記載間誇美備也余奉

簡命試用江左歲癸酉查視水災至太周覽天都黃海之間欽崙與折秀絕寰區百姓敦儉樸習勤勞且休戚相關卽一時撫賑見者咸感泣如身受仁厚之遺也聞與諸紳士接類彬彬能文章此皆仰荷

列聖相承仁漸義厚之澤重熙累洽我

太平縣志

卷首

舊序

十三

皇上宵旰圖治綏靖遐荒車書一統之盛生民未有卽茲山陬僻壤而已蒸然大易其俗矣竊低徊慕之退而攷其志乘憑城殘缺不逮所見遠甚時學博魏君造受委於郡伯宋公開局纂修孝廉周桂林諸紳士左右之余匆匆作別以未及觀成爲憾越二年涖茲土魏君將以藏事告因出質於余并請一言爲序余簿書鞅掌未暇相與商確然間嘗讀之其事核其辭雅其體例嚴約而不漏瞻而不浮其殆媲美信史無疑也魏君有言吾於文教不敢遺餘力而志書一役每苦其難任彼夫國史之修也成諸異代其中美惡錯陳褒譏互列孝子慈孫不能譽其祖父雖少失實或猶不至大有逕庭若一邑之志地近情親愛憎紛起一二有力者子孫姻戚因事遠年逕往私意潤色而不顧其安至深巖窮谷之內門

祚衰徵遺文散失潛德幽光與烟灰俱燼者何限甚且紀名勝則爭附會撰藝文則集蕪穢從事於此而是非不公揚譽鮮當又焉用志爲今姑就見聞所及旁証博訪亦期獲乎心之所安未識立言何如吁其敬慎之至與多士日相砥礪筆之於書用垂勸懲心良苦已爲我告多士曰盛跡芳踪嘉言懿行不必其在遍都大邑也繼自今時和歲豐民物阜豫長吏之庭訟不煩而賦不逋也成人小子于焉騰驥雲路尚其繼轍

皇猷贊勳邇治廉節與山嶽並峙忠孝共日月爭光也則所爲彰往開來彙羣英之綺藻樹典冊之巨觀俾讀者油然而知王道之易又有大慰余年來觀成之望者胥此志也夫是爲序太平縣知縣李峯撰

太平縣志

卷首

舊序

十四

乾隆乙亥志序

太平縣志志太平縣之舊也操筆者誰教諭魏子嵩也嵩固不敏何足與於斯奉 府憲宋公命固辭不允也辭不允遂可不知而作乎曰下之事上也不敢以爲本吾循適分盡適心無得罪於名教與鬼神焉爾役初興鬼夜號牒於神乃息既而謗肆興亦久之乃息噫天下事有不能言盡者固不獨每人而悅之自古所難也然則是書或果能無得罪於名教與鬼神乎夫何敢夫何敢要之盡吾心循吾分焉爾書此以質知我者乙亥初夏己山魏子嵩弁言

太平縣志

卷首

舊序

十五

舊志修校姓氏

萬歷庚辰志

太平縣知縣張廷榜纂修教諭吳遠訓導陳寰徐雲鳳縣丞龔秉忠典史李本德預修戶部清吏司邑人陳宣汝寧府同知邑人崔惟植濱州知州邑人周恪校閱縣學生員項陞陳天德采輯

康熙乙巳志

太平縣知縣陳恭主修教諭表澄訓導董雲申縣丞尉曠泰閣舉人邵樸元貢生崔宗鏡生員胡泉陳輔性邵見焦一朋方永茂項若麟崔岸李雲翼崔學古周光盛同纂鄉紳譚啓運項雯王貞一陳兆昇胡士翺李世芳舉人盛日瑚杜楚崔瑤周光啓

太平縣志

卷首

姓氏

杜瑜貢生朱鴻祚杜向榮王徽之王覲王心崔岱胡嘉生在天谷崔學彭焦鼎譚一權焦星程肇泰周世澤生員張羽林翹譚正矩胡師旦李慶奎崔德培江湜崔玉衡李令施胡采程彪焦麥虬陳耀垣程宏超叅校

康熙甲子志

太平縣知縣賈有福主修教諭倪繼梧訓導馬斯斌同修舉人崔學古譚正矩纂輯生員邵見項若麟李雲翼胡師旦周光盛崔玉衡汪文棟崔德培焦作賓同纂鄉紳崔瑤杜瑜林翹李世芳焦鼎譚文班舉人胡文煥崔鏡貢生焦一朋孫發祥程肇泰林有蘭湯為雯方永祚胡嘉生崔學彭湯為霖焦麥虬梅子喜湯瑞先李如藩崔學彤焦星周世澤程宏超焦兆及李友程從

龍生監胡采湯璠周繼盛程世英胡文芳崔宏猷查郁文譚宗繪崔貴申汪定遠崔鳴瑄譚思道湯來章陳護項景亮張兆元周元錡崔鏡譚道階趙大年參閱

乾隆乙亥志

原任寧國府知府長洲宋敷念亭寧國府知府無錫嵇璜諱監修原任太平縣知縣孝感彭居仁廣齋原署太平縣知縣介休孟承對龍中原任太平縣知縣海陽劉大河源太平縣知縣嘉應李峯靜主修揀選知縣署儒學教諭句容魏子嵩亭纂修儒學訓導豐縣薛棻仙木叅校邑舉人周溥桂林周升元德貢士方岐鳴廩生張應棧林增生程用賓雁末項亭宸辰生員項士選銓分纂舉人張鍾華程廷元張鍾琬孫龍章張鍾玘胡日琇貢生胡紹虞崔

太平縣志

卷首

姓氏

志鍾杜翼儒王作舟廩生項毓秀黃之彥項捷黃逢泰譚履青黃士謫周景濂胡光裕趙敬增項榮世崔國賓程文翰生員譚敏求焦焯黃爰照周鏞周右文叅校紳士方雲龍項惟琬趙佐理孫謀方雲從黃振采項惟華張鍾瑤王紫電胡世銓周惟定陳聯杏崔定元經理局務紳士孫廷佐崔為經張鍾璠方元勳焦元慶陳曠焦秉衡陳幹焦鎮陳植劉大元梅慶麟張鍾璠王輯瑞陳龍章汪宗恂邵宗岳李在庭蕭士榮江廷選胡光潤汪世隆孫象賢李翔曹在公湯良蔭林作舟李朝陽謝智周林琢章盛世人汪鵬飛陳宏猷焦易劉應亨王一華焦啓夢譚一士周翔王雍梅宗白項建功預修

熙初

一焦炳爰賜武舉出身想亦武舉特奏也以武人為令宋固有之由現任官舉進士自太平興國五年已有之但他書載紹定間進士第一侯考

一前榜准貢自明崇正己卯始湯質於壬午雋貢生中自宜載至天啟中劉啟仁亦稱貢不可考 國朝程倬三中副車皆失其年故缺載

一歲貢他書載明嘉靖八年有王鎮山崇正十四年有程尙進舊皆未載茲不敢增存以備考

一建橋建亭修路施茶皆善之一端所費多寡亦異然邑居萬山中舉步崎嶇負擔者尤苦當嚴寒酷暑吁喘欲絕者幸息肩有地

太平縣志

卷首

凡例

二

止渴有湯所類匪夢若視為小善不錄何以勸後故載山水之末一藝文中黃山賦頗不類各人手筆疑是贗作但相沿既久去之反為今人所詫不得已仍舊

一舊志書帙無多每頁十八行單行直寫其有注釋及附載者則用旁寫自是正格茲因卷帙頗繁故人物除名臣儒林忠節咸用單行正寫餘並大書其各而雙行夾寫於其下藝文等款惟題目用單行正寫文詞皆雙行夾寫亦遵府志例也

一新入人物均據各鄉採訪具結舉報由學核准牒縣發局刊載一列女照已旌冊增載其未旌節烈婦女註明存歿另登節烈志一軍籍向歸新安衛考試舊志不載乾隆三十八年奉文軍籍歸縣一體應試故亦一體登載

太平縣志圖

縣境全圖

山川全圖

城治全圖

縣署全圖

學宮全圖

黃山東面圖

黃山西面圖

黃山南面圖


黃山北面圖

宏潭分司圖

太平縣志

卷首

圖







太平縣志

卷首

圖

一一




太平縣志

卷首

圖

三





太平縣志

城治全圖



卷首

圖

四



太平縣志

卷首

圖

六

